

NICOLAI BÄRPTHO.  
LEMAEI LOCHIENSIS  
ENNOEAE.



PARISIIS  
Ex officina Simonis Colinaei  
I 5 3 I

THE GREAT BRITISH  
LIBRARY  
LONDON



BRITISH  
LIBRARY  
LONDON

NICOLAI BARPHTHOLEMAEI  
ENNOEA DE SEPTEM VER-  
BIS DOMINI IN CRUCE.

E Chrifte dicunt septies  
t Alta loquutum de cruce,  
Quæ iam fatebor non mihi  
Liquere, verum si benè

Audita nunc recenseo.  
Permulta fecisti, simul  
Et protulisti incognita  
Arcana, & excedentia  
Cuiuslibet mentem viri,  
Quæ cognituros postmodum  
Nos sæpius prædixeris.  
Age ergo, te iam deprecor,  
Mihi roganti dic palam:  
Quid est quòd anxie sitim  
Expresseris tuam, interim  
De tot tacens doloribus?  
Dic queso Iesu, quid taces?  
Quid deprecantem negligis?  
Heus heus Iesu, aurem arrige,  
Imò os, sed audis omnia  
Et respicis. lubens tamen  
Mouere labra non soles.  
Quod si ipse nolis prodere,  
Saltem volentem me heic ama,

A. ij.

Et mentis inspira meæ,  
Impléq; veris intima.

Quòd sic sitires, vt reor,  
Qui sis aquæ fons vixide,  
Non tam labores, vulnera,  
Effusio ampla sanguinis  
Fecere, quàm mentem vt tuam  
Ostenderes apertius,  
Quo nos amore amplecteris.  
Nanq; vt cibus quondam tuus,  
Patris voluntas erat, ita  
Nunc filiorum, aut verius  
Fratrum salus, tua est sitis.

Quid nunc, quid impij tibi  
Istud negamus poculum?  
Quid felle, tot reatum  
Tortoribus quibussibet  
Immitiores, indies  
Tua huic propinamus siti?

Sed hoc magis mirabile,  
Quòd tot latroni præmia  
Immerito, & vt puto, antea  
Incognito, tam citò, ad senem  
Flexus precem, sponderis.  
Mecum hoc die, dixisti, eris  
Illa in quiete, quam satis  
Nullus mereri totius  
Vitæ suæ cursu potest.

At in latronem hac gratia  
Satis docemur, ac super,  
Quòd neminem diffidere  
Tuae velis clementiae,  
Quocumq; sese tempore  
Fidei tuae commiserit,  
Vbiq; fassus noxias  
Veniam poposcerit, tuam  
Opem repente sentiet.

Quòd destitutum te à patre  
Sis questus, id certè haud fuit,  
Quòd non pater semper tibi  
Affuerit, at quòd cerneret  
Mortem tuam, vt cupueras  
Non profuturam singulis,  
Necnon futuros nosceres,  
Quos non minus, quàm te facis,  
Qui gratiae immunes forent,  
Communicatam quam omnibus  
Tam volueras, quàm nil magis.  
Completa sunt, ais, omnia,  
Quae de futuro Messia  
Tum senserant, tum dixerant  
Pleni prophetae spiritu.

Datum est in escam fel, sitis  
Potata aceto. te canes  
Circumdedere, principes,  
Terraq; reges, Pontius

Nimirum, & Herodes ferus  
In te astiterunt, vt pecus  
Ad victimam deductus es.  
Quid plura? pulse sunt tuo  
Omnes tenebræ lumine:  
Imago cessit corpori,  
Figura cessit & typo.

Quòd verò Ioanni vnice  
Commiseris matrem tuam,  
Hominem fuisse te indicat,  
Verum, pijs affectibus,  
Idq; sine culpa, obnoxium.

Mirabilem ò clementiam,  
Remitte, postulas, pater,  
Illis, remitte noxiam,  
Quid moliantur nesciunt,  
Quid hoc Iesu, nesciunt?  
An innocentem nesciunt  
Te, & persequuntur impij?  
Qui tot palàm miracula  
Longo edidisti tempore.  
An nesciunt quæ perpetrant?  
Certè sciunt, at tu negas  
Hos scire, cum vlcisci negas.  
Exemplo Iesu sic tuo  
Nos erudis, nos instruis:  
Vt in ferenda iniuria  
Tuas legamus orbitas,

*Malumq; mutemus bono.*

*Quòd in manus patris,  
Nil istius rei indigum,  
Mandare spiritum velis,  
Nostrum magis negotium  
Agere videris,quàm tuum:  
Quò nos tuis vestigijs  
Inhereamus,dum adpetit  
Præsentis æui terminus,  
Vt exeuntem hinc spiritum  
Id non secus,quàm debitum  
Viventis in manus dei  
Reddamus:ac huius magis  
Clementiæ,quàm proprijs  
Fidamus actionibus.*

#### **E N N O E A S Y M P T O L A R G V .**

*mento ex nobili illo Esaie cantico, Quis est iste, qui venit de Edom? Colloquuntur Nic. Christus.*

#### **N I C O L A V S .**

*Vid vestis sibi vult noua*

*q Quoniam murice rubrior?*

*Rexne, an regia origine*

*Cretus? quid redimis caput*

*Spinis, pro diademate?*

**A. iij.**

Ornatus facies nona,  
Ohe (vt victor olympicus,  
Phœnicem) manibus geris  
Aspram tristis arundinem.  
Vnde hæc surgit adorea?  
Hei qualis facies? nihil,  
Statum corporis eximo, est,  
Quod nunc præ se hominem ferat.  
Vix oris nota cernitur,  
Discrimen nec habent genæ,  
Nares, frons, oculi, omnia  
Nimirum rubor occupat.  
An tu molochinarius?  
An misto color è nouo  
Qui prælo est operantium?  
Hens iam non loqueris lapis?

CHRISTVS.

Recte me lapidem vocas.  
Sed factum in caput anguli  
Hunc me credito, gratia  
Qui cunctorum hominum nimis  
Accepti immemorum quidem  
Mortalem indui, & exui.  
Queis nondum fuerat satis,  
Quod me alte crucifixerint  
Multis verberibus prius  
Ornatum, nisi me quoque  
(Ipsa quod cruce durius)



Cum iniustis reputauerint.

Quod me tam videas rubrum,  
Non est muricis hic color,  
Infectus sed enim mens,  
Nec conchyliis utimur.  
Nescis quot fluidus malas  
Vibices cruor obtegat,  
Quas nunc cernere non potes.  
Hem, solus graue torcular  
Calcanti, neque quis mihi  
Sudanti adposuit manum.  
Uni tantum operæ fuit.

N I C O L A V S.

Ne Christe seni, deprecor,  
Quod te illico non nouerim,  
Quem nosse sanè oportuit  
Hoc maxime cultu, ac nota.  
Nec suspicabar, quod tui, ut  
Sic viseres, esses memor  
Serui, imò & hostis impij,  
Qui te frequenter læserim.  
Nec tot putaram vulnere,  
Permulta credebam licet.  
Suspecta nec talis fuit  
In te tuorum immanitas.

Hei Christe quot plagæ? loci.  
Nullus cuti relinquitur.  
O quàm profunda vulnere,

Quibus manus, quibus pedes,  
Quibus latus (cor deficit  
Hoc intuentem) haustum fuit.

Dico Iesu dic rogo,  
Tibine tam in plagis places?  
Qui perpeti has delegeris,  
Vitare quas potens eras.  
An te necesse pendere  
Pœnas fuit? mortalium  
Nunquid remitti noxia  
Nisi hoc cruore debuit?  
Num culpa vel gratis dari?  
Vel altero piaculo  
A pater quiniit sui,  
Quam ex innocentis tergore?  
Quid? imò filij vnici!

C H R I S T V S.

Sperare tale consequi  
Intelligendo desine,  
Causâq; rerum sciscere.  
Te fata progredi vetant.  
Causam nec hic quæsieris:  
Totum, id voluntatis fuit.  
Quicquid sumus nati antea,  
Et quicquid inde viximus,  
Et omne quod passi sumus.  
Istûq; cum mortalibus  
(Qui forte nos neglexerint)

Expostulabimus magis  
Quo maior est clementia,  
Quo maior est benignitas  
Nullis coacta legibus.

Ac ut dolentis prouida  
Nutrix puelluli prius  
Delibat ore pharmacum,  
Sibi nihil quidem utile,  
Quo bimus uti non queat  
Infirmirate pectoris,  
Quod mox resugat mitius  
Nutricis à suæ ubere,  
Ac conualescat deniqz.

Sic impotens quidem genus  
Mortale fœdo congruam  
Suo medellam vulnere  
Haurire, abuti me sino:  
Et quod sat ex se sumere.  
Nequit, bibo ipse pharmacum,  
Quò restitutum pristina  
Vinat saluti, cui satis  
Est tanta passo, prosperam  
Si non medellam respuit.  
Quid respuit? si respicit,  
Si cogitat, si condolet.

Quibus manus, quibus pedes,  
Quibus latus (cor deficit  
Hoc intuentem) haustum fuit.

Dico Iesu dic rogo,  
Tibine tam in plagis places?  
Qui perpeti has delegeris,  
Vitare quas potens eras.  
An te necesse pendere  
Pœnas fuit? mortalium  
Nunquid remitti noxia  
Nisi hoc cruore debuit?  
Num culpa vel gratis dari?  
Vel altero piaculo  
Apud patrem quiniit tui,  
Quàm ex innocentis tergore?  
Quid? imò filij vnici!

#### C H R I S T V S.

Sperare tale consequi  
Intelligendo desine,  
Causâsq; rerum sciscere.  
Te fata progredi vetant.  
Causam nec hic quæsieris:  
Totum, id voluntatis fuit.  
Quicquid sumus nati antea,  
Et quicquid inde viximus,  
Et omne quod passi sumus.  
Istûdq; cum mortalibus  
(Qui forte nos neglexerint)

Expostulabimus magis  
Quo maior est clementia,  
Quo maior est benignitas  
Nullis coacta legibus.  
Ac ut dolentis provida  
Nutrix puelluli prius  
Delibat ore pharmacum,  
Sibi nihil quidem utile,  
Quo bimus uti non queat  
Infirmirate pectoris,  
Quod mox resugat mitius  
Nutricis à suæ ubere,  
Ac convalescat deniq̃.

Sic impotens quidem genus  
Mortale fœdo congruam  
Suo medellam vulnere  
Haurire, abuti me sino:  
Et quod sat ex se sumere  
Nequit, bibo ipse pharmacum;  
Quò restitutum pristina  
Vinat saluti, cui satis  
Est tanta passo, prosperam  
Si non medellam respuit.  
Quid respuit? si respicit,  
Si cogitat, si condolet.

AD SOSPITALEM  
CHRISTVM ENNAE.

H Christe fari nescio,  
a Dissolue linguae vinculum,  
Quod praestitisse crederis  
Olim seni Zachariae.  
Peccata fauces obsident,  
Vocis meatus opprimit  
Osor vetus mortalium,  
Et excreaturo scelus,  
Culpamq; fassuro meam  
Manus ob os (quasi obicem)  
Prostruxit, ac instar lupi  
Ferocientis in gregem.  
Si glutiendam mordicus  
Pastore premdi nescio  
Fortasse ouem, frangit gulam  
Sonum impotentis edere.  
Sic ingemiscendi is mihi  
Et confitendi praeripit  
Lapsa facultatem vinctula.  
Vt hereat vox faucibus  
Clauso retenta spiritu,  
Ne conquerar nec te (deus)  
Meo inuocem periculo,  
Ne lingua noxas expiet,  
Quas dilui hac concesseris,

Procrastinandumq; admonet,  
Nonisq; semper decipit  
Non sat renitentem artibus.

Ah Christe, visus cecutit,  
Caligat in te pupila,  
Nec conspici te queo,  
Quando & tua hac benignitas  
(Qua te deus facis virum)  
Mentem subit, dum & pristini  
Remordet æstrum temporis,  
Pungitq; mentem carnifex  
Vis conscientie intima,  
Quod seruiendo negligens:  
Quod demerendo non memor,  
Quod condolendo, non pius,  
Quod in gemendo saxens,  
Fuisse cernar hætenus,

Descende quæso de cruce,  
Et hic (Iesu) labere.  
Quo te alloquamur proxime.  
Nec longa tam via, vt fuit  
Olim dum olympum linqueres,  
Venturus in consortium  
Mortalium vitæ parens.  
Præsta osculari mi pedes,  
Queis nostra perlata est salus,  
Præsta osculari istud genu,  
Quod alteri sursum eminet.

Nec iam suprema postulo  
Indignus omnino infimis,  
Nimis beatus, si tuo  
Dignus videbor lumine.  
Si te mei cura vrgeat,  
Si non repellar vt nothus.

Si lachrymis placabilis  
Es, ò Iesu, in lachrymas  
Totus repente diffluam:  
Sit fons caput, sint brachia  
Riuus, sit & pectus mare,  
Sint crura torrentes, lacus  
Pedes, quibus meme abluam.

Si non placent fletus tibi  
Et has querelas despicias,  
Siccisq; adiri vis genis:  
En, ipse quouis siccior  
Tunc sum futurus pumice.  
Si supplices magis preces  
Exaudias, tum transserar,  
Echoque ero vocalior,  
In ora totus fissilis.

Quocunq; placandus modo es,  
Pacem per aras postulo,  
Pacemq; tecum sancio;  
Quod si pati vltra iusseris,  
Nec iam meo satur malo es,  
Tnam in clientelam asserar,



Et quicquid hinc ferri voles,  
Ferendum erit, sed dedito,  
Nihilqꝫ post modum, nisi  
Tuius, meo qui munere  
Me fecerim tuius, feram.

Nec me molestum despice,  
Qui non molestam fœminam  
Pati repulsam sineris.  
Quæ te prece importunior  
Traxit suam in sententiam,  
Noxas vt omnes tolleres,  
Reâmqꝫ vitæ redderes.

Terrere me posset tua  
Iuris rati severitas:  
Sed excitat clementia  
Censura cui cedit tua,  
In te licet peccauerim,  
Quantum remissurum alteri  
Non me putem: veruntamen  
Abs te salutem præstolor.  
Maiorqꝫ gratia est tua,  
Quàm possit esse iniquitas.  
An me creasti vt perderes,  
Quem tot sciebas crimina,  
Et tanta facturum mala?  
Non, sed palàm vt notesceret  
Summam æquitatem maximæ  
Clementiæ locum dare.

Sinisne tecum iure agi?  
Et te teneri legibus?

Quicumq; causam dat mali,  
Malum dedisse dicitur.

Ecquid creasti fœminas  
Quarum vetas consortium  
Citra duorum copulam,  
Et matrimonij iugum?  
In belluas benignior

Quas lege nulla astrinxeris.

Quid copiam produxeris,  
Cui tam placent ieiunia?

Quid ipsa vina, quid dapes?

Terræq; fructus pectita

Si nos fruisi non sinis?

Iam gratia hæc, non gratia est,

Donumq; non donum, at magis

Damnum (loqui si liberum est)

Pænæq; compar Tantalæ.

Si quam venustas maxime  
Vel arte, vel prudentia:

Cur iure non superbiat:

Non gestiat? non se efferrat?

Somnus tibi placet brevis,

Noctes facis longissimas,

Damnâsq; negligentiam

Qui tot parasti desidi,

Quibus foveret otium?

Quò Chrìste me rapit furor?  
Quò me trahit dementia?  
Soluta frena comprime,  
Ad signa palantem reduc,  
Faceſſat hinc iniuria.  
Tam ſunt leues argutie,  
Quàm iam reſelli non egent.  
Sic copiam mortalibus  
Præſtas, vt inde ſe nihil  
Dicant omiſſiſſe inopia.  
Sic demum egeſtatem paras,  
Ne mentiantur indigi  
Sibi obſuiſſe copiam.  
Sic proditorem ærario  
Tuum tuo præfeceras.  
Sic peſſimo illi diuiti  
Congeſſeras tantas opes,  
Ne quid volenti deſoret  
Surſum, deorſum, vertere.  
Sed ò IEſu rex pie  
Deus pie, & index pie.  
Da, quàm diu licet frui  
Auris, vt inſit corpori  
Mens ſana ſano, da otium  
Cum dignitate, da ſine  
Periculo negotium.  
Da pœnitentiæ locum,  
Da lachrymarum copiam

Quibus scelestos abluam  
Mentis reatus noxie,  
Dum vita morti cesserit  
Et fila Parca ruperint  
Hic hic, IESU, me trahas,  
Quò pœnitentem serius  
Tecum latronem vexeris,  
Nephante ubi illius tue  
Divinitatis explear,  
Vbi & perennis gratia  
Quæ me creavit, recreet.

ENNOEA IN CHRISTI  
natalem.

Vid otiosi stertitis?  
q Quid desideris frigidi?  
Cur non puellum visitis.  
Et bellulum, & venustulum?

O vultus inuisus prius  
Nouo absolutus schemate,  
Non ista mortalem refert  
Figura patrem, quàm ruber,  
Quàm candidus, non eligi  
In mille quinit pulchrior.  
Cui sunt columba lumina,  
Cornu capillus nigrior,  
Pulchræq; depictæ genæ,

Et lactem collum, manus  
Tornatiles, eburneus  
Venter, columna marmoris  
Crus firminus, pes aureus.

O forma filio dei,  
Vel digna nulla, pulchrius  
Charagma fingi non erat,  
Si forma quem dignum facit  
Regno, quis ante hunc imperet,  
Quis iure non huic cesserit?  
Si pulchritudo, vel feros  
(Quod Mosis exemplo liquet)  
Inuitat hostes victui  
Ut, quod necessum est, praebeant,  
Quid fiet huic digne satis  
Mortalium pulcherrimo?

Quid otiosi stertitis?  
Quid desideris frigidi?  
Cur non puellum visitis?  
Et bellulum & venustulum?  
Hunc nos prius, quæsti sumus  
Excelsiorem, quàm alloqui,  
Quàm conuenire cominus  
Nobis daretur. at polo  
Descendit ex alto. & iacet  
Parno supinus in thoro.  
Et qui putabatur nimis  
Magnus, videtur quolibet

Pumilione nunc minor,  
Videtur, inquam, lucide  
Tot seculis absconditus,  
Tot expetitus vatibus,  
Nunc alligatur: nunc manu  
Palpatur, auditur modo,  
Nulli prius sat cognitus,  
Vero nec auditus sono,  
Nullaq; tactus dextera,  
Nondumq; visus cuipiam:  
Ni forte paucos obijcis,  
(Queis sic videndum se obtulit,  
Vt terga solum proderet).  
Nunc se videndum singulis  
In parte quavis porrigit.

Hic fortis olim creditus  
Iustusq;, sed potentie  
Tam detrahit sue, vt pius  
Quam iustus esse, & dicier  
Malit: caducus, quam ferox,  
Sic se exinanivit, modo  
Satis resisti illi potest.

Quis vsq; cunctis corporis  
Mentisq; fractus viribus  
Quem vagiens fuget puer?  
Nunc disputando acerrimus:  
Qui mille gryppos vnica  
Responsione claudere

Sat noverat, nunc conticet.  
Elinguis, & fari nequit.  
Sermonis impos totius,  
Argutiasq; negligit.

Quid otiosi stertitis?  
Quid desideretis frigidi?  
Cur non puellum visitis  
Et bellulum & venustulum?

Vos autè territi minis  
Hunc credidistis impium,  
Sævum, minus placabilem.  
Hoc nunc nihil mansuetius,  
Imbelle nil magis, puer  
Quosinq; flecti cærens  
Parvūq; cessat minere  
Placatus, omnium quidem  
Oblitus autè criminum.  
Solum hunc subit clementiæ  
Cui tota cessit lex, rigor,  
Ius, syngraphamq; libere  
Nostram suæ affiget cruci.

Iam clamat agnus pendulus  
Hinc rugientes bestię,  
Escamq; querentes procul  
O este, iam sol nascitur,  
Secedite ad cubilia.

Cur non puellum visitis?  
Quid otiosi stertitis?

Quid desideretis frigidi?  
Cur non citati curritis  
Moratiores cocleæ?  
Cur non puellum visitis?  
Nudus iacet, vos seduli  
Afferte nudo coccinum,  
Afferte quoduis linteam  
Sed impigri, nix decidit,  
Venti irruunt, hyems furit,  
Nox instat, & distat domus,  
Consueta abest vicinia.  
Sed ò ter & quater scelus?  
Sed ò ter & quater nefas.  
Num turpe? num inquam dedecus  
Immane? cor mansuetius  
Feris inesse quàm viris?  
Hem bos, hem asellus, quo quærit,  
Huic obsequuntur munere  
Huic blandiuntur cernui,  
Suo foveant anhelitu,  
Cur non citati curritis?  
Permissus an sic frigori  
Non ulli erit curæ puer?  
Nullum movebit tam potens,  
Et tam fidelis debitor?  
Nullum piæ necessitas  
Urgebit hæc puerperæ?  
Quid otiosi stertitis?



Quid desideris frigidi?  
Cur non puellum visitis?  
Sed cur I E S V partui  
Non præpararas purpuram?  
Non struxeras triclinium?  
Non obstetrix accersita?  
Quid non cubile fortia  
Cingunt virorum robora  
Ob noctis incertos metus?  
Cur non parasti ferculum?  
Quid congiarij tuus  
Natalis expers cernitur?  
Tibi palatio casa  
Præfertur? an tu marmori,  
An parcis auro? cui Pharos,  
Cui seruit omnis Thracia.  
Num tale regem dedecet?  
Quæ causa Christe te monet?  
Qui cuncta abunde porrigis  
Cunctis, tibi hoc soli inuides?  
Pulchrum videri te putas  
Qualem genitrix edidit?  
Pudenda cuncti contegunt,  
Cur solus illa non tegis?  
Sed nil pudendum in te, nihil  
Te criminis tradux manet,  
Qui nos pudere sic facit.  
Hoc hoc videte, qui modo

Vos esse natos creduli  
Putatis ad superbiam.  
Qui nunc & anleis domos  
Vestitis, & bysso lacus,  
Qui purpuram, qui sericum  
Paratis escam vermibus,  
Dum vos nec uti vestibus  
Vultis, nec vtendas datis.

Hinc pauperes famelici,  
Multoq; adusti frigore  
Queruntur, & non queritis  
Vox vnde tristis auolet.  
O corda plus quàm ferrea,  
O tota aberrantes via,  
Vos pauperem, vos indigum,  
(Hoc me monente discite)  
Sperate Christum iudicem.  
Quid otiosi stertitis?  
Quid desideretis frigidi?  
Cur non puellum visitis  
Et bellulum & venustulum?

ODE MONOCOLOS AD  
virginem MARIAM.

On te dixero virginem,  
n (Blasphemus neq; sentiar)  
Non te dixero nobilem,

Nec quicquid tibi detraho,  
Sed matrem, nec ita magis  
Nec dulcem aufero filium,  
Cui nec virginitas parem,  
Quæ nusquam vsta libidine es,  
Cui nec nobilitas parem  
Quæ patrem referas deum,  
Cui nec dat soboles parem  
Quæ partum generas tuum  
Humano sine semine,  
Virgo semper, & integra.

Non te rite vocauiero,  
Ni quo prædita nomine es,  
Quo te non alio quidem  
Insignit titulo angelus.  
Dum te missus ab æthere  
Præscripto alloquitur dei.

O nomen Mariæ omnibus  
Certe laudibus altius,  
O quàm leniter auribus  
Sernit, quàm placide sonat.

Ecquæ digna satis dei  
Te præter genitrix erat?  
Quam primi sceleris nota  
Hand quaquam macularit.  
In qua simplicitas capax  
Cuiusvis sapientiæ.  
In qua tantum humilis pudor

Vel solus, potuit deum  
E caelo trahere in solum.

Dum te claudere molior  
Tam pressi spatio pedis,  
Rem tantam male pronidus  
Culpa detero carminis,  
Quæ non Meonijs satis  
Extolli numeris potes.  
Quam digne canere innum est,  
Sed quam non canere, impium.

PEAN IN NATALEM GLO-  
riosissimæ virginis Mariæ.

Amnis eximios generose virginis artus  
I Finxerat, & mira doctus cōpegerat arte  
Pādorā dixere dei, quā fraudibus Her-  
Eloquio Pallas, Venus insigniuerat ore. [mes,  
Tunc ferus (excandebat enim quod forte Pro-  
methens

Terrenam supero vegetauerat igne figuram)  
In genus humanum cunctas armauerat iras  
Iuppiter, vnius furto commotus, & ausu,  
Vlturūsq; nephas, Pandoram emisit ab alto,  
Omneis quæ secum clausas in pyxide pestes  
Ferret ad Iapetum, qui tectæ nescius artis  
Cistam aperit: tum qui latitabāt, agmine factō  
Erumunt morbi, visis perterritus amens,

Opposuit serum tegmen, spes quippe remansit  
Sola, potens contra tantos medicina dolores,  
Scilicet exiliit tandem, fundoque soluta  
Sapius humanis spes implorata querellis,  
Surrexit: Mariam dico, quæ gaudia terris  
Multa daret, votisque hominum succurreret olim  
Æternā referens pacē, quam prisca sonarunt  
Anguria, & tanti venturam aliquādo doloris  
Expulsatricem Cumana oracula vatis,  
Et tripodes Phœbi, & galli advertere Cybelles,  
Chaoniæ passim Mariam edixere columbæ.

Qua nascente omnis convexi machina cæli  
Intumuit: dominamque suo excepturus honore  
Phœbus anhelanteis maiori luce iugales  
Compulit ex alto testari gaudia cælo,  
Officio Ops persuncta suo, tantamque decenter  
Exceptara nunc gremio laxavit abunde  
Intus quicquid erat, nec erat tū rusticus agris  
Qui meteret fruges, qui tantis conderet vuis  
Dolia, qui gravida pendenteis arbore fructus  
Carperet, aut telluris fœtas admitteret, ipse  
Mella dabat quercus, quæ nunquam profuit, arbos  
Parturiit fructus: quæ nunquam sensit aratrum,  
Prebuit innumeras tellus impetita fruges.

Partum Anna monstrante suum pax alma  
per omnes,  
Surrexit populos, cessit discordia, cessit  
Invidiæ execranda lues, velut æquora late

Tuta silent, si vicino sub littore nidum  
Alcyones struxere suum, proliq; laborent.  
Tunc flatus, tunc ira maris sopita quiescit,  
Haud aliter totus Maria nascente quieuit  
Orbis, & insani cesserunt incommoda martis.

Quis queat eloquio tantū cōprehēdere numē  
Vos vates, vatūmq; deos celeberrima testor  
Numina, quis vester talem meditantibus ordo  
Materiam foret? hic totius victa fatiscit  
Ingenij virtus, tam vastum litus arandum est  
Ecquid enī huic eguale datur? nullū ecce poeta  
Commentis potuere suis effingere numen,  
Cui diuisa alijs, vni coniuncta subessent  
Omnia, cui tot se merita explicuere deorum  
Munera, cui soli arcanarum credita rerum,  
Verborūmq; fides, quam alti regnator olympi  
Fecerit astrorum, terræq; marisq; potentem.

Fare age, virgo precor, nec dedignare rogātē,  
Quis tibi tūc vultus, quū nūtiū æthere ab alto  
Rettulit humana Christum voluisse figura  
Sese vtero vestire tuo, fieriq; puellus  
Cuius erat genitor? certe hæc responsa dedisti.  
Sed quæ virgineum, sed quæ trāsgressa virilem  
Excessere animū, nō hic sine munere diuinū  
Sensus erat verbis sic respondisse quietis,  
Ecce ancilla dei, mihi iussa capescere fas est  
Quodq; inbes, renuisse nefas. hac vtere Iesu  
Hospite, nec iussis audax parere recuso.

Proh quanta in verbis alti reverentia cali  
Non aliter generis lapsi sarcire ruinas  
Fas fuit, his clausus verbis descensus avernī,  
In calos munita via est, longūmq; negatam  
Humano generi retulisti in secula pacem.  
Nos tua simplicitas, tua nos constantia morti  
Eripuit, vitāq; dedit meliore fruisi.

Ecce tuum virgo vita redimitus honora  
Natalem celebro, teneoq; altaria supplex.  
Tu natum veniam scelerum deposce meorum.

#### M E T E N N O E A A D A N I M A M.

Syche misella, languida,  
p Ignava, segnis, marcida,  
Torpens, iners, hebes, pigra,  
Vel si quid his inertius:  
Sed quæ inquires semper tamen  
Torquente conscientia,  
Nunq̃ tibi consentiens.  
Cui sit negotio otium  
Molestius, cui nec quies  
Vlla est quiescenti, obruta  
Curis, sed his incurijs  
Nihilq; te dignis, modo  
Quid pigritatis perdita?  
Cur non veterum discutis?  
Quid non inventutem novas

Serpentis instar squammi.  
Hem, tempus acceptabile,  
Hem, nunc salutis sunt dies,  
Quid stulta differs tandiu?  
Procrastinarisque, inscia  
Quid nam futura lux feret?  
Quid pœnitentiæ tibi,  
Ne certa momenti quidem,  
Promittis ampla tempora?  
Velut securim nescias  
Hærere iam radicibus?  
Quid cæcutis? quid desipis  
Insana? quò te is perditum?  
Quid pergis in mortem, & sciens  
Vidensq; quo pessum daris?  
Deflecte habenas, comprime  
Gressus, facesse de via,  
Qua deferere ad inferos:  
Illamq; carpe, quæ breui  
Te redditura sit polo.  
Hæc stricta certe, & altera  
Lata est: caue tamen, caue  
Insistere hoc limen, procul  
Stulta ò procul fer hinc pedem.  
Minore iam negotio,  
Illud tenere si libet  
Iter potes, cur non libet  
Quod tam licet, quod tam potes?



Cur displicent innoxia  
Et perplacent contraria  
Menti, simulq; corpori?  
Dum me inuentus credulum,  
Promptum, procacem, cereum  
In quemlibet flecti modum  
Fonit, secutus sum magis  
Quod suauē, quàm quod vtile.  
Nec non tuis obtemperans  
Votis fui, iam me virum  
Instans senectus admonet,  
Ne nunc tibi consentiam,  
Imò vt premam, cogam, vrgeam  
Te, vel renitentem: neq; his  
Sinam teneri erroribus,  
Aliam ista vitam adfert dies,  
Aliosq; mores postulat.

Enolue tecum sedulo,  
Vnde hunc in orbem veneris,  
Quò sis itura deniq;  
Non te mouent Ixionis  
Orbes? nihilne Sisyphi  
Saxum? nihilne Belidum  
Cadi? putasne hæc somnia  
Vana, aut aniles fabulas?  
Ride, puta, quicquid voles.  
Crudeliora istis tamen  
Longe parari credito

Tormenta, qui vel inuidi,  
Qui vel superbi, desides,  
Ira, gula, libidini,  
Et rebus addicti suis,  
Denm, & deinde proximum  
Læsere. contrà, te nihil  
Hortantur, vrgent, excitant.  
Quæ pollicetur, quæ suis  
Dudum parauit, & dabit,  
Fidelis & potens deus:  
Quæ lingua fari nesciat,  
Nec intueri pupula,  
Humana nec mens assequi.  
Habes paratum pharmacum,  
Habes medellam propriam,  
Totis I E S V M viribus  
Exosculare, amplectere,  
Precare: qui petentibus  
Nihil negaturum antea  
Sese sponderit, fuge  
In huius amplexus, viden?  
Vt tendat alta de cruce  
Pendens manus, & brachia,  
Et osculatu ro caput  
Inclinet. Huc huc respice,  
Pectusq; flecte saxeum,  
Quò cæca nunc prolaberis?  
Quò te trahit vesania?

Si non movent te munera,  
Tam certa, tam perennia:  
Tormenta saltem terreant  
Tam seua, tam crudelia.  
Non diffiteris, præmia  
Bonos manere, & noxios  
Flagella, quæ non desinent,  
Nullumq; finem sentient,  
Æterna, certa, ingentia.

O summa iustorum quies,  
Felicitas, tranquillitas.  
O summa rursus fontium  
Turbatio, vexatio?  
Hæc cogita mens, cogita,  
Ad te redi, expergiscere  
Tandem, vidèq; ac provide  
Æterna: ne pro terreis  
Inepta commites, Deum  
Boni maliq; indicem  
Spera: arte qui non luditur,  
Latere quem certe nihil  
Potest, vel abstrusissimum.

Εξομολόγησις.

Vc sospitator aduosa

Mentiq; nostræ pharmacum,  
Utriq; certe languet  
Grauissimè, corpus quidem  
Agit animam, excludit foras,  
Illiq; se hospitem negat  
Tam fœtida, tam turpium  
Notis iniuste criminum.  
Contrà, enolare spiritus,  
Fœdumq; corpus relinquere  
Molitur, & fugam parat,  
Eoq; non secus quidem,  
Quàm fœtido de carcere  
Exire gestit: sed preme hanc  
Discordiam, intercedito  
Huic iurgio arbiter potens,  
Compone pacem. corporis  
Crudum quidem vides adhuc  
Robur, animæ verò ipsius,  
Scis, quæ sit immaturitas.  
Vtrumq; pullulet, sinas:  
Illud futuris viribus:  
Hæc, quas seres, virtutibus.  
Audi fatentem me deus,  
Exaudi & orantem simul,  
Nunc cuncta prodam crimina,  
Quorum reum me sentiam.  
Si noxia est superbia,  
Sum maximè culpabilis,

Qui me fuisse indicem,  
Et indicem nunc ò deus,  
Deus meus coram tua  
Clementia superbum, ita  
Vt nullus vsquam superbior,  
Sermone, & actionibus,  
Omnes quidem præ me nihil  
Duxi, nihil quod gesserit  
Vnquam alius, exactum ratus.  
Quæ fecerim, vt diuinitus  
Gesta, hæc placebant omnia,  
Crepitus, quod aiunt, vt meus  
Mibi redoleret suauiter,  
Vt me esse sapius hominem  
Non meminerim. nec meminerim:  
Huiusce, si quid est boni  
In me, datorem te, tibi  
Nec stultus acceptum hoc tuli.

Si noxia iracundia est,  
Non sum minus damnabilis,  
Qui me tulisse singula  
Adversa quàm grauissimè  
Sciam, leni qui percitus  
Offensione, excandui,  
Fœta minus placabilis  
Tiaride, frequens iniuriam

Virtus, mihi notum est adhuc.  
Si quis mihi dedit malum,  
Simul malum accepit, modo  
Id potuerim reponere.  
Menti fuisset si manus  
Par, non Atridi cederem.

Si noxia est Venus, Venus  
Mari orta, vates ut canunt,  
Non vnda totius maris,  
Quem patior, ignem extingueret,  
Quem non furorem traxerim  
Videndo? quæ me denique  
Libido non perederit  
Cogitando? quid dicam amplius?  
Nullo pudicum me die  
Fuisse penè suspicor.

Si noxia est, ut est, gula,  
Heu quàm, deus, sum noxius.  
Qui me quidem sic gesserim,  
Eoque luxu perditus  
Defluxerim, mihi ut deus  
Venter esset, idemque vnicus:  
Qui nec famem unquam, nec sitim  
Ieiunio obsonauerim,  
Vixisse visus ut ederem,  
Edisse, non ut viverem.

Si noxia inuidentia est,  
Quàm me esse sentio reum,

Qui nullius non adepos  
Felicitati inuiderim?

Qui nullius non plurimum  
Latatus ipse sim malis,  
Cui non miser detraxerim,  
Si quid ageret feliciter?  
Cui non ferox illuserim,  
Si quid secus committeret?  
Sed neq; volens pares, neq;  
Me superiores pertuli.

Si noxia est ignavia,  
Et ipse sum potissimum  
Affinis huius noxie:

Qui negligens semper fui,  
Nihil aliud, quàm stertui,  
Et actionibus meis,  
Si quicquam agendum erat boni,  
Laconibus cunctatior  
Causas morandi nexui,  
Semper erat in via leo.

Si noxia est odium, odium  
Exercui, vt qui plurimum,  
Cum plurimis, certè omnibus  
Mibi quibus cum res fuit,  
Vicisse me longissime  
In hoc leonardalim reor.

Scelerumq; radix omnium  
Dicenda auaritia venit,  
Nec id profecto amolior  
A me scelus, sed deprecor,  
Qui cuncta ambinerim,  
Quæ viderim, procaciter:  
Nec id secus, quam hians larus,  
At quæ habuerim, horum copiam  
Nulli tenax effecerim,  
Posita nec vlla pars meis,  
Quem nulla, vel grauissima  
Cuiusquam egestas fregerit.  
Has propter omneis noxias,  
Quas animus, vt nosti probè,  
Non spontè commisit sua,  
In hoc tamen nequissimum  
Me agnosco, tēq; æquissimum:  
Has propter inquam noxias,  
Non Hercules sum nescius,  
Debere pœnas me graueis,  
Clementia si non tuæ  
Iustitia cesserit tua.  
Habes fatentem me reum,  
Habes fatentem & libere:  
Nec negare, si queam, velim,  
Nec si velim, certè queam.  
Atqui vides, & omnia  
Agnoscis, ignosce ô deus:



Nec me, precor, dulcissime,  
Pro mole tanta criminum,  
Agas, reumve pertrahas  
Tribunal illud ad tuum,  
In quo patefcunt omnia,  
Aperta, nuda testium  
Nihil fide indigentia.  
In quo patroni non potest  
Ars, nec rei defenfio  
Efficere fucum iudici.

F I N I S.  
W

Handwritten text in a cursive script, likely a letter or a page from a manuscript. The text is written in dark ink on aged, slightly discolored paper. The handwriting is fluid and characteristic of the 17th or 18th century.

1711